

漢陂集

一
函
八
冊

鄧子修藏

PDG

漢陂集卷九

序

時氏世勲序

惟時氏之裔出自鳳陽其先曰時良起于步卒從高皇
帝平定海內有功而洪武三年由總旗陞爲陝西西安
右衛百戶百戶又屢有功進秩西安右護衛正千戶世
襲而時氏之興遠矣良之子曰忠忠之子曰禎皆襲正
千戶而或乃改衛有非其故云至禎之子清改延安衛
後所而延安時氏蓋自此始天順二年清與賊戰寺子
山力屈而亡有詔進秩一級然不幸無子其同母弟曰

演乃龍爲延安衛指揮僉事不久病卒又無子于是今
都督公其弟也乃入繼焉成化十八年公與賊戰清水
營凡三大戰有功于是陞署指揮同知二十有一年與
賊戰單塔兒斬首一級乃遂實授云而弘治七年公之
在威武堡也賊夜入寇不幸偶忘備有所亡失左遷指
揮僉事其十年冬賊又入寇公破之水砦山于是復其
舊秩十有四年春賊由波羅堡大舉入寇公與戰柳家
莊大戰數日賊懼敗走歸斬首一級有功陞署都指揮
僉事充右叅將分守延綏東路其明年乃復行賞賞白
金綵幣十有八年冬天子新即位上尊號兩宮推恩臣

下于是實授都指揮僉事云正德七年盜起河南廩廩
諸郡詔右叅將統麾下千人往追捕之進都督同知未
久盜平于是進都督同知為右都督掛印平賊將軍賜
蟒衣玉帶將入覲天子已而四川諸郡盜賊復起于是
復以平賊將軍統麾下千人西出擊賊賊平進左都督
歸鎮延綏云公蓋嘗以平生經歷者畫圖為冊而太子
太保臬蘭彭先生題曰時氏世勲而公使使來命九思
序之九思曰天之將佑人國而生雄傑梟勇之材以樹
功顯名也蓋有意焉乃若安排思慮為者非偶然也惟
時氏之興由十戶公良而下五世六人至清演而胤絕

而都督公繼之都督公所以自樹立者由今言之策勲
王家爲時名將可述以傳者也而由其後觀之開府要
害之衝坐收靖遠之績寵于天子剖符定封施及苗裔
終始河山之盟蓋可睹矣然則公之大時氏之族者豈
偶然哉豈非天意哉而公之子孫思乃祖之遺風以及
我公之烈豈可徒然無以爲也此則畫圖之意也公名
源字裔之頰面高顴雙目炯炯望之如神蓋不止畫圖
之所載矣

秋夜燕集詩序

蓋聞孔父之遭程子則晤言終日吉甫之贈申伯則雅

咏盈篇故投于誼者繁契合之惊敦于情者多迷衷之
詞易稱斷金之利詩借伐木之喻斯理之固然匪可以
偽合而強致者也若乃面而弗心則馬牛之風殊未同
而語則瑟竿之調乖又豈有此唱彼酬粲然連帙者乎
長垣趙君徃在選部予忝同曹道誼之廟切有逾夫曩
季之友于也其後予乃被罪左遷壽州君亦蒙譴出倅
平涼輿議存彰超拜二千石來守予郡予于是時罷歸
林莽雖茂箕山洗耳之節亦勵立園肥遯之志惜別感
舊瞻望涕及乃今茲孟秋有事郡下獲接于君詫龍淵
之載合欣鸛鴈之並體君乃秉燭清夜開閣肆燕嘉穀

多而且時旨酒甚其維清觥籌交錯嗣以大斗惻抱累
續緒言莫殫君乃授簡于予命爲歌詩以摠厥蘊予不
辭穢率爾成童君起賡歌予亦載賡予是所得七言近
體各四篇而托之毫楮存而弗遺者所以識墳簞之迭
奏衍雲仍之嘉話也方之古誼蓋殊代而同執若夫去
就之路則岐而不一葭玉之愼則予固有弗辭爾

送提學秦先生赴河南叅政序

台州秦先生以按察副使督學關輔者三年于茲論績
序遷爲河南左叅政拜命且行于是關輔諸大夫學官
弟子雲彼道不一際言一臨洛再惜則不可違教則其惜乃

長安訓導胡山暨正學書院諸弟子謀所以贈先生者
請九思爲之言夫一藩之大地方數千里庠序百餘計
官師布列學徒萬衆乃以一人督之豈能徧歷其區而
日與之臨也亦其簡即繁舍要而任勞勢有所未可也
于是定之以條約申之以行誼學之以文業擴之以政
務歲以試之揚以勸之撻以記之黜以罰之若是者宣
未有弗化者也乃今天下督學之師罔不由此然有化
不化者何也吾嘗求其人矣明足以辨妍媸而不肯公
足以愜輿情而不銜德足以範群士而可尊文足以追
古籍而不有若是者蓋未有弗化者也不然則言語徒

繁率之不勤考課雖勤亦徒勞耳吾嘗以爲督學而能
其官則天下之士我能師之可以爲祭酒黜陟幽明進
賢退不肖可爲入冢宰坐于廟堂權衡人物佐天子理
教化可以爲宰相矣自先生之蒞吾土也吾在林莽見
吾庠之士惴惴焉若先生自與之臨洋乎其氣浩浩乎
其文也端重雅飭循循乎其行也聞之旁郡乃無有弗
化者蓋嘗言曰先生自茲升矣及得邸報或有問吾者
曰何以此處先生也九思曰夫古之用人者必歷試諸
秩周于天下之務而後重臣如焉所以益慮裕才示不
敢輕授之道也先生始爲行人嗣爲刑部又嗣督學廬

覽名勝精研法比著述文章品題士類所未歷者旬宣
之務耳喬崧大河之間輜車所至甘澍霑足蓋無幾而
宵旰之意勤丹青之念興崇階峻秩次第于先生矣九
思蹇劣未能瞻仰眉宇聽受晤言私心怛焉未能已已
况關輔之士乎况正學之官師弟子而親炙之者乎當
風雨之及晨慨斗山之載違情惘累積非可以一二說
也先生其無遺吾人哉

送王令序

予在翰林時每見述職之典其年春正月天子郊祀畢
越旬日御奉天門視朝是日諸司始奏事于是方岳郡

縣諸吏咸趨御橋南跪免冠俯伏首至地待罪刑部尚書率左右侍郎上御街北面跪讀彈文繼而六科給事中十三道監察御史皆有彈文各推老成一人北面跪讀大意言方岳郡縣吏若弗能事事宜實之法以示懲勸予所見凡三度天子咸口出德音特宥之以勉圖後效于是方岳郡縣諸吏不下萬餘人輒踴躍頓首謝口呼萬歲響聲若春雷在空既退出翌日早具公服謝午門外然後吏部以黜陟上聞弘治壬戌吏部言方岳郡縣吏政有卓異不可但已宜稍稍旌之以勸豪傑于是推轂三人其一大明知府韓福其一宜陽知縣胡獻敬

皇帝覽奏甚喜命錫宴禮部未幾皆右遷蓋近代曠典
予所幸見者也自予歷出外郡竄伏林莽歷遠職者又
三度矣未聞有所旌拔如至成時然山城僻野邠報不
及或有之而罔聞知也亦固未之有也皆弗可知矣正
德庚辰春又當其期吾邑令王君朝暮戒行李北土邑
中諸大夫謀有以贈請予爲之言君固多善政茲行賢
書在藩臬考覈在吏部意者天子勵精圖治復舉先朝
之典則夫嗣韓胡二人以興者其王君乎是未可知也
若夫奉天奏事乃恒格待諸吏予偶及之云爾

太師端毅王公奏議序

公舉正統戊辰進士出入內外且五十年官至太
保吏部尚書壽九十有三歲卒贈太師謚曰端毅其
忠大節之著有贈謚之誥有載德之碑有哀死之諱其
文章存者甚多而奏議爲最盛自爲大理左寺副至南
京兵部尚書者六卷兵部尚書王公憲爲御史時嘗刻
于蘇州御史程君啓充爲知縣時復刻于三原其在吏
部者九卷藏之公子太常卿承裕所知縣王成章從諸
生求得之以告于巡按御史曹君璉曹君曰父矣吾慕
于斯迺今幸獲見之是爲我師知縣其合前六卷者刻
之題曰太師王端毅公文議播之四方詔後世焉刻成

曹君命九思序之九思讀之終卷仰而歎曰嗟乎世復
有如斯人者乎剛而弗屈也明而能盡也直而不餒也
公而不銜也婉曲而有味也其汲黯陸贄之流乎是故
天子嘉其忠豪傑讓其美蒼生誦其德夷夏仰其名夫
豈一朝一夕聲音笑貌之爲乎孟子不云乎惟大人爲
能格君心之非公蓋其人爲夫自都兪風息義理不明
道德放失志氣卑陋耽祿者多患失之心全軀者少憂
國之謀知弗違者蒙覆餗之耻事虛文者爲駭俗之行
知而自默者貽社稷之憂嗟乎責受朝廷之倚毗身繫
天下之安危迺碌碌至于斯也是公之罪人也昔者主

涉陽集卷九
七
父偃讀樂毅之報燕王書嘗廢書而泣司馬遷讀晏子
春秋謂其犯顏敢諫也願爲之執鞭蓋其中有以合也
故士有曠百世而同心者君子于是刻也可以觀人矣

瑞芝詩序

夫芝者草木類也產之于地潤之以雨暄之以日噓之
以風然後其質凝焉凡草木之有生未有不然者也芝
生最罕根土而葩者可采而茹庠而復生可繼而有者
商山紫芝是也漢元封二年夏甘泉宮內中產芝九莖
連葉于是作芝房之歌夫芝產房中不籍乎風日雨露
者也然猶根土而葩與諸草木者無甚異也而歌頌興

爲以爲王者之瑞得天之道應地之符參日月象太極
被之筦弦薦之宗廟備諸燕饗食然未聞其產于穴木不
土而根者也明正德某年某月山東巡撫都御史政事
之堂座右柱舊裂而隙六寸其中產芝其本二十四莖
赤如珊瑚黃如紫金華米曄曄洞澈光明瑩如堅冰傳
聞道路羗目駭觀當是時僉都御史灤江王公會當巡
撫之寄于是巡按監察御史某以告于藩臬長貳而曰
夫芝者仙草也陰陽調燮和氣融液然後芝乃生焉在
于其國則君臣正政事理在于其家則父安子順家道
雍睦今不于他所于巡撫政事之堂嗚呼休哉惟巡撫

公敦德雅度度越中朝膺帝簡命游茲東土思陟民和
克勤朝夕旌廉滌污威惠並流愛養元元如保赤子上
協天心風雨以時嘉穀用成百姓給足播德之頌興樂
土之風和天乃下瑞以表有德爲當世勸是故芝乃生
焉然又發于木隙不土而根前古所罕聞典籍之未載
者也不有歌詞曷以昭盛德詔來世于是相率賦詩有
此有興四海之英聞而和者又若干人未幾公以副都
御史來撫關陝九思得以覩焉而歎曰嗚呼盛哉至矣
不可以復替矣夫瑞公者芝瑞朝廷者公也公當入侍
天子統百官均四海使天下後世仰而慕焉若景星鳳